

At: Swyddogion cyfrifol cyrff dyfarnu

13 Mai 2019

Annwyl Swyddog Cyfrifol,

Cyhoeddi Polisi Cosbau Ariannol Cymwysterau Cymru

Rydym yn ysgrifennu i'ch hysbysu ein bod wedi cyhoeddi'r dogfennau canlynol:

- [Polisi Cosbau Ariannol Cymwysterau Cymru](#)
- [Ymgynghoriad ar y Polisi Cosbau Ariannol - Adroddiad ar y penderfyniadau a wnaed yn dilyn yr ymgynghoriad.](#)

Rhwng mis Tachwedd 2017 a mis Chwefror 2018, cynhaliwyd ymgynghoriad 12 wythnos ar ystod o bolisiau gorfodi, gan gynnwys ein Polisi Cosbau Ariannol drafft. Roedd hwn yn bolisi newydd ac nid oedd wedi'i gyhoeddi o'r blaen. Ers i'r ymgynghoriad ddod i ben, rydym wedi dadansoddi ymatebion ac wedi ymgymryd â gwaith datblygu polisi pellach. Mae'r gwaith hwn, ynghyd â'r ymatebion i'r ymgynghoriad, wedi ein helpu i fireinio ein datganiad polisi ymhellach, ac egluro sut rydym yn cyfathrebu ein gofynion. Hoffem ddiolch i bawb ohonoch a ymatebodd.

Pennir ein gallu i roi cosbau ariannol gan Reoliadau a gymeradwywyd gan Gynulliad Cenedlaethol Cymru. Gwnaethom nodi yn ein hadroddiad ymgynghori y byddem yn cyhoeddi ein Polisi Cosbau Ariannol ar ôl i Lywodraeth Cymru ymgynghori ar y Rheoliadau hynny a'u cymeradwyo wedyn gan Gynulliad Cenedlaethol Cymru. Cymeradwywyd y [Rheoliadau](#) hyn ar 2 Ebrill ac yna daeth i rym ar 12 Ebrill 2019.

Mae ein hadroddiad yn amlinellu'r newidiadau a wnaed i'r polisi ar ôl yr ymgynghoriad ac mae ein Polisi Cosbau Ariannol cyhoeddedig ar gael ar ein gwefan.

Yn gywir,

A handwritten signature in black ink, appearing to read 'J. Richards'.

Jo Richards

Cyfarwyddwr Gweithredol Rheoleiddio